

歐陽文忠公集

歐陽文忠公集
卷一百一十五
記

4 號
5 號
6 號
7 號

甌北先生家傳

先生姓趙氏諱翼字耘松號甌北常州府陽湖人也生三歲日能識字數十十二歲學爲文一日成七藝人皆奇之乾隆庚午舉順天鄉試已而選授內閣中書入直軍機大學士傅文忠公汪文端公咸倚重焉辛巳成進士殿試進呈二甲第一而陝西王文端公杰居第三

純皇帝謂自

國朝以來陝西未有以第一人舉者遂易文端爲第一而先生之才則固已

心識之矣丙戌由翰林編修授廣西鎮安知府鎮居廣
西極邊民淳訟簡而倉穀出入吏緣爲奸先生
痛革其弊鎮民悅服每巡行邨民輒昇入其邨
謂我公至矣奉酒食爲恭敬所治皆如之先是
鎮民與安南民人雲南土富州爲奸事發捕獲
百餘人而其魁農付奉顧逸去前守以是罷官
已而付奉死於安南獲其子并獲其尸驗之良
是總督李公侍堯疑其爲前守道地不之信先
生申辨李怒効之適

朝廷用兵緬甸

命先生赴滇贊畫乃追劾疏還明年返鎮李公乃示意
監司欲先生稍折節而移之守廣州自助先生
不肯遂以他屬而適奉

特旨調先生廣州監司乃服先生之有守也在廣州決
獄平獲海盜一百八人按律皆當死先生詳讞
分別殺三十八人餘遣戍辛卯擢貴西兵備道
而以廣州他讞事降級調用先生遂乞養親而
歸丁未臺灣民林爽文作亂李公赴閩辦軍事
道過常邀先生偕往時兵將雲集成謂不日蕩
平先生詢察情形亟請李公密調粵兵爲備既

而總兵郝壯猷敗遁擊鄭嵩被殺賊勢大振
而粵兵適至人心始安已乃籌海運增雇值給
衣裝奏輒

報可李公夙以綜核爲政先生每事濟以寬大迄事平
先生之力居多始先生贊畫滇軍傅文忠公爲
經畧進征緬甸議大兵由戛鳩江進而命提督
五福由普洱進先生曰戛鳩普洱按圖相距不
過三寸而實是四千里而遙兩軍旣進聲息不
相聞進退維谷此危道也大兵欲渡戛鳩河則
偏師宜由蠻暮老官屯進夾江而下庶兩軍可

互爲聲援文忠從之先生之善籌軍事多類此
臺灣旣定李公欲

奏起先生固辭之因遊武夷徧歷浙東山水之勝
一發之於詩先生固善詩自少遊

京邸厯館閣與諸賢士大夫相酬唱歸田後朋遊
故舊杯酒相過從日賦詩爲笑樂其詩與同時
袁簡齋蔣心餘齊名世所傳甌北集也其他著
述凡十餘種而陔餘叢考廿二史劄記尤爲人
所稱道云先生與鼐俱以乾隆庚午得舉越六
十年而爲嘉慶庚午先生年八十有四而鼐亦

年八十循例重赴鹿鳴筵宴

欽賜三品銜而鼎亦得四品銜乃相與會於鍾山屈指知交零落殆盡先生喟然曰某少孤貧不自振謬以非才入侍館閣分枝多士中年游登繁劇奔走軍旅未垂白而養拙邱園上獲終養慈母下獲撫字孫曾今又叨蒙

上賜爵秩逾等生人之遇可謂榮幸皆

兩朝聖人高厚之恩也相與泣然者久之今歲四月先生卒于家其子以狀訃乃按其事而傳之先生娶劉氏繼程氏先先生卒子廷英廷偉廷俊廷

彥廷偉先卒孫十人曾孫四人

賜進士出身

詔授奉政大夫翰林院庶吉士刑部郎中重赴嘉慶庚午科鹿鳴筵宴

欽加四品頂戴年侍生姚鼎頓首拜謨

傳

四

甌北先生年譜

始祖體坤公

名孟堙本宋室後元末為高郵州錄事始居常州

五傳至竹

崖公

名政明景泰甲戌進士官御史出巡按江西陞江西按察使凡公所蒞

處不設巡撫湯潛庵明史傳稿中有傳

十二傳為曾祖禹九公

諱

祖駢五公

諱福臻又名斗燿白城中遷居西里後以先生貴贈儒林郎父

子容公

諱惟寬監贈中憲大夫貴州分巡書西兵備道

母丁氏

封大諱

恭人

雍正五年丁未

先生姓趙氏名翼字雲崧號甌北常州府陽湖

縣人生於是年十月二十二日寅時

六年戊申

七年己酉

先生三歲時贈公客授於外叔父子重公教之
識字每日能記二十餘字

八年庚戌

九年辛亥

十年壬子

先生年六歲贈公客授於西壩琦張氏攜先生
就塾是歲讀名物蒙求性理書訓及孝經易經

等壽

十一年癸丑

先生年七歲隨贈公就塾於華渡橋管氏以下
四年皆隨贈公於華渡橋蔣莊橋等處讀書

十二年甲寅

十三年乙卯

乾隆元年丙辰

二年丁巳

三年戊午

先生年十二隨贈公在塘門橋談氏讀書贈公

命作時五十日在之王贈人閱之笑曰他日不
患不文祖諸經尚未全讀宜以讀經爲急遂不
令作文然同學五六人皆私乞捉刀每課期五
六藝皆先生筆也

四年己未

先生年十三仍在塘門橋談氏館讀書

五年庚申

先生年十四隨斯公移館於東千埭杭氏是歲
始課舉業落筆往往出人意表然先生性好詩

古文謂持合日以日出試士增公恐以兼管妨

舉業每禁之而先生輒私爲之視書布下雜稿
常數十紙也

六年辛酉

先生年十五贈公歿於是年七月十二日家貧
甚僅老屋七間田一畝八分上有二姊其一尚
未嫁弟汝明汝霖亭玉俱幼家食無資杭氏諸
父老以先生學已優卽請接贈公講席所課徒
皆同學友也

七年壬戌

先生年十六館於東齊黃氏家益貧賣老屋三

間僅存四間蔽風雨館餼歲不過六金除買紙
筆外悉以養家不敢用一錢然食指嗷嗷饘粥
常不給太恭人佐以織紉猶至斷炊

八年癸亥

先生年十七仍館於黃氏

九年甲子

先生年十八館於東平琦杭氏先生素不喜作
時文自贈公歿莫爲督課遂泛濫於漢魏唐五
詩古文詞家兼習爲詞曲兩年中所著不土五
六寸皆無師之學也父執杭應龍先生憫之謂

寒士進身惟恃舉業舍本務而他涉將何以救
貧遂延先生至家塾課其幼子念吧而令長子
金鑑次子士良偕先生課時文先生已輟業數
年強而爲之轉不如舊時之入律矣是冬有明
經莊位乾先生亦館於杭相與講貫始就繩墨

十年乙丑

先生年十九應童子試學政祭酒霍公

紀取八

常州府學補弟子員向例學政取覆試卽入泮
無復去取也府學例取二十五人是年取覆試
者乃八十六名須再覆以定去取先生覆試文